


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-56	Al-Waqi'ah	96	3	Makkiyyah	Ke-46	7



Zaman Diturunkan

Surah al-Waqi'ah diturunkan sebelum Sayyidina 'Umar memeluk agama Islam lagi, ia seperti Surah Thaha diturunkan selepas berlakunya hijrah para sahabat ke Habsyah antara bulan Rejab tahun ke-5 Kenabian dan bulan zul Hijjah tahun ke-6 Kenabian, sebelum lagi Sayyidina 'Umar memeluk agama Islam.

Kelebihan Surah Al-Waqi'ah

Surah al-Waqi'ah juga seperti Surah Hud, merupakan antara surah yang membuatkan Rasulullah tua dan beruban, Rasulullah s.a.w. bersabda: {إِذَا الشَّمْسُ كُوِّرَتْ} و {عَمَّ يَتَسَاءَلُونَ} (Surah an-Naba') dan إِذَا الشَّمْسُ كُوِّرَتْ (Surah at-Takwir) telah membuatkan aku beruban (menjadi tua)" – Jami' At-Tirmizi, Kitab Tafsir, Bab Surah al-Waqi'ah, Hadits ٣٢٩٧. Ia adalah satu hadits sahih.

Kesinambungan Surah Al-Waqi'ah Dengan Surah Sebelum Dan Selepasnya

1. Di dalam Surah ar-Rahman, melalui 2 sifat Allah ذُو الْجَلَالِ dan ذُو الْاِكْرَامِ manusia berkali-kali ditanya dengan ayat tarji' sama ada mereka membenarkan atau mendustakan bukti-bukti dan tanda-tanda kebesaran Allah. Di dalam Surah al-Waqi'ah ini pula orang-orang yang membenarkan ajaran Islam dibahagikan kepada 2, السَّابِقُونَ dan أَصْحَابُ الْيَمِينِ selain dinyatakan apa ganjaran yang diterima mereka. Orang-orang yang mendustakan pula diberi amaran akan akibat buruk yang mereka akan terima kelak.
2. Di dalam Surah ar-Rahman sebelum ini, perkataan تُكْذِبُونَ digunakan, sementara di dalam Surah al-Waqi'ah pula perkataan الْمُكْذِبُونَ digunakan.

Beberapa Kata Kunci Dan Tema Utama Surah

1. Di dalam surah ini, perkataan الْمُكْذِبُونَ الضَّالُّونَ (orang-orang yang mendustakan dan sesat) telah 2 kali digunakan untuk أَصْحَابُ الشَّامِلِ (Ayat: 51 dan 92).
2. Di dalam surah ini 2 kali disebutkan ayat فَسَبِّحْ بِاسْمِ رَبِّكَ الْعَظِيمِ, di tengah surah dan juga betul-betul di akhirnya (Ayat: 74 dan 96), tujuannya ialah supaya manusia memilih aqidah tauhid yang suci murni. Tasbih bererti mengakui bahawa Allah tidak mempunyai sebarang kekurangan dan ke'aiban di samping menyatakannya secara terbuka bahawa zat Allah suci dan bersih daripada segala sifat-sifat kurang dan 'aib, sedangkan makhluk-makhlukNya pula penuh dengan kekurangan dan ke'aiban, termasuklah kita manusia.